



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

N21/ 4290

Ձեր _____

« 22 » 08 2023թ.

Րաֆֆի Ռաֆայելյանին

Հասցե՝ ք. Երևան, Իսակովի փ., 42/3 շ., 14 բն.

Հարգելի՛ պարոն Ռաֆայելյան,

Ուղարկում եմ Ձեր դիմումի հիման վրա ՀՀ ոստիկանության իրավաբանական վարչությունում հարուցված բողոքարկման վարույթի արդյունքում ընդունված որոշման օրինակը:

Առդիր՝ « 4 » թերթ:


Պետ,

ոստիկանության գնդապետ

Ռ. Մարանդյան

Ա. Հարությունյան
Հեռ. 010 59-66-89

ՀՀ ոստիկանության իրավաբանական վարչության
պետ, ոստիկանության գնդապետ
Ռ. Մարանդյան
» օգոստոսի 2023թ.



«1» օգոստոսի 2023թ.

ք.Երևան

Ո Ր Ո Շ ՈՒ Մ 642

/բողոքը մերժելու և վարչական ակտն անփոփոխ թողնելու մասին/

ՀՀ ՆԳՆ ոստիկանության իրավաբանական վարչության իրավական պաշտպանության բաժնի ավագ տեսուչ, ոստիկանության կապիտան Ա. Հարությունյանս, ուսումնասիրելով Ռաֆֆի Վարդանի Ռաֆայելյանի (այսուհետ՝ Դիմող) ՀՀ ոստիկանության Երևան քաղաքի վարչության Քանաքեռ-Զեյթուն բաժնի (այսուհետ՝ Բաժին) վարչական ակտը վերանայելու մասին դիմումը.

Պ Ա Ր Զ Ե Ց Ի

ՀՀ ՆԳՆ ոստիկանության իրավաբանական վարչությունում 11.08.2023թ. ստացվել է Դիմողի բողոքը, որի հիման վրա «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի համաձայն հարուցվել է վարչական բողոքարկման վարույթ, նշանակվել է վարչական լսում, որին մասնակցել է Դիմողը և պնդել իր դիրքորոշումը:

Բողոքի առարկան.

Դիմողը խնդրել է անվավեր ճանաչել Բաժնի 20.07.2023թ. թիվ 112¹ որոշումը:

Վարույթի համար նշանակություն ունեցող փաստերը.

- 06.07.2023թ. Դիմողի նկատմամբ կազմվել է վարչական իրավախախտման վերաբերյալ համապատասխանաբար թիվ 112¹ արձանագրությունը: Արձանագրվել է ՀՀ վարչական իրավախախտումների վերաբերյալ օրենսգրքի (այսուհետ՝ Օրենսգիրք) 173.2-րդ հոդվածի 1-ին մասով նախատեսված իրավախախտում:
- Բաժնի պետի կողմից Դիմողի նկատմամբ 20.07.2023թ. կայացվել է վարչական իրավախախտման գործի վերաբերյալ թիվ 112¹ որոշումը, որով Դիմողը Օրենսգրքի 173.2-րդ հոդվածի 1-ին մասով նախատեսված արարք կատարելու համար ենթարկվել է վարչական պատասխանատվության նվազագույն աշխատավարձի տասնապատիկի չափով՝ 50.000 ՀՀ դրամ:

Կիրառելի իրավունքը (օրենքը)

Սույն բողոքի նկատմամբ կիրառելի են «Վարչարարության հիմունքների և վարչական վարույթի մասին» ՀՀ օրենքը (այսուհետ՝ Օրենք), Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք), «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» օրենք:

Վարույթի արդյունքում արված եզրահանգումները

Օրենսգրքի 173.2-րդ հոդվածի 1-ին մասի համաձայն՝ «Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը, բացառությամբ սույն օրենսգրքի 135.1-ին և 135.2-րդ հոդվածներով սահմանված դեպքերի՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրիսնապատիկից երկուհարյուրապատիկի չափով, իսկ ֆիզիկական անձի նկատմամբ՝ հիսնապատիկի չափով»:

«Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» օրենքի 6-րդ հոդվածի 1-ին մասի 1-ին կետի բ) ենթակետի համաձայն՝ ծխելն արգելվում է նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններում և դրանց շենքերի մուտքերից ուղիղ գծով մինչև հինգ մետր հեռավորության վրա)

Նյութերի ուսումնասիրությունից երևում է, որ Դիմողը 06.07.2023թ. գտնվելով ք. Երևան, Դ. Անհաղթի փ., «Եվրոպական» համալսարանի դիմաց ուղիղ գծով 2 մետր հեռավորության վրա՝ արգելված վայրում, ծխել է ծխախոտ: Վերջինիս նկատմամբ ոստիկանության ծառայողների կողմից օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման կանոնները խախտելու հետևանքով կազմվել է վարչական իրավախախտման արձանագրություն և այնուհետև թիվ 112՝ որոշումը՝ վարչական ակտը:

ՀՀ ՆԳՆ ոստիկանություն ստացված դիմումով Դիմողը շեշտել է, որ արգելված վայրում իր կողմից ծխախոտ օգտագործելու հանգամանքը պայմանավորված է եղել տվյալ վայրում արգելող նշանների կամ ցուցանակների բացակայությամբ:

Վերոգրյալի կապակցությամբ փաստում են, որ Օրենքով հստակ նախատեսված են այն վայրերը որտեղ արգելվում է ծխախոտի օգտագործումը՝ այդ թվում նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններում և դրանց շենքերի մուտքերից ուղիղ գծով մինչև հինգ մետր հեռավորության վրա): Հատկանշական է, որ արգելող նշանները, բոլոր այն դեպքերում, երբ դրանց տեղադրման պարտականությունը դրված է վարչական մարմնի վրա, հանդիսանում են

վարչական ակտեր, իսկ սույն բողոքի առարկան հանդիսանում է ոստիկանության 20.07.2023թ. թիվ 112՝ որոշումը, այսինքն՝ արգելող նշանների տեղադրման պարտականությունը, տվյալ դեպքում՝ ցուցաբերված անգործությունը, որը հանդիսանում է այլ վարչական մարմնի լիազորություն, չի կարող քննարկման առարկա դառնալ սույն բողոքարկման վարույթի շրջանակներում:

Միաժամանակ փաստում եմ, որ Օրենքի 43-րդ հոդվածի 1-ին մասի «ա» կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում: Հատկանշական է, որ քննարկվող արձանագրությունը կազմվել է Դիմողի ներկայությամբ, ավելին՝ Դիմողին հնարավորություն է ընձեռվել վարչական իրավախախտման գործի քննության ժամանակ ներկայացնելու ապացույցներ առ այն, որ Օրենքով արգելված որևէ արարք չի կատարել, սակայն վերջինիս կողմից ո՛չ այդ պահին, ո՛չ վարչական բողոքարկման վարույթի ընթացքում որևէ հիմնավոր ապացույց չի ներկայացվել:

Բացի այդ Դիմողը նշել է, որ ցուցանակ չլինելու պատճառով տեղյակ չի եղել, որ նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններում և դրանց շենքերի մուտքերից ուղիղ գծով մինչև հինգ մետր հեռավորության վրա) չի կարելի ծխել, այսինքն՝ անուղղակի կերպով ընդունել է բարձրագույն ուսումնական հաստատությունում ծխախոտ օգտագործելու հանգամանքը, իսկ անձի կողմից օրենքով նախատեսված բարձրագույն ուսումնական հաստատությունում ծխելու արգելքի մասին տեղեկացված չլինելը հիմք չէ արարքի կատարման մեջ անձի մեղքը բացառելու և վերջինիս վարչական պատասխանատվության չենթարկելու համար:

Օրենսգրքի 251-րդ հոդվածի համաձայն՝ Վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Այդ տվյալները հաստատվում են հետևյալ միջոցներով՝ **վարչական իրավախախտման վերաբերյալ արձանագրությամբ**, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով: Վարչական իրավախախտման վերաբերյալ արձանագրությամբ ոստիկանության ծառայողի կողմից արձանագրվել է Դիմողի կողմից վարչական իրավախախտումը կատարելու հանգամանքը: Այսինքն՝ Դիմողի կողմից վարչական իրավախախտում կատարելու հանգամանքը հաստատվել է վարչական իրավախախտման վերաբերյալ արձանագրությամբ և ոստիկանության ծառայողի զեկուցագրով:

Ավելին Դիմողը 06.07.2023թ. «Վարչական իրավախախտման վերաբերյալ» արձանագրությամբ տվել է բացատրություն և նշել, որ օրենքի պահանջի մասին տեղյակ չի եղել:

Վարչական իրավախախտման համար տույժը նշանակվում է կատարված իրավախախտման համար պատասխանատվություն նախատեսող նորմերին խիստ համապատասխան:

Այսպիսով՝ Բաժնի որոշումն իրավաչափ է, և բացակայում են Օրենքի 63-րդ հոդվածով նախատեսված անվավեր ճանաչելու իրավական հիմքերը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 76-րդ հոդվածի 4-րդ մասով և 1-ին մասի «բ» կետով՝

Ո Ր Ո Շ Ե Ց Ի

1. Բողոքը մերժել՝ վարչական ակտը թողնելով անփոփոխ:
2. Որոշման օրինակը 3-օրյա ժամկետում ուղարկել կողմերին:
3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում:

ՀՀ ոստիկանության իրավաբանական

վարչության իրավական պաշտպանության բաժնի

ավագ տեսուչ, ոստիկանության կապիտան



Ա. Հարությունյան



ՀՀ Ռադիկալության կենտրոնական ապարատ
Armenia ԵՐԵՎԱՆ ԵՐԵՎԱՆ Նալբանդյան 130
0025
21/4390
23.08.23թ.



L0110932467AM

ՀԵՏ ՎԵՐՈՒՐԴ	CN15
RETURN	
☐ Անհայտ/ Unknown	☐ Մերժված / Refused
☒ Տեղափոխված/ Gone away	☐ Չի ներկայացվել/ Unclaimed
☐ Թերի հասցե/ Insufficient address	
Ետ վերադարձման ամսաթիվը / Return Date	
09.09.23	

Ռաֆֆի Ռաֆայելյան
Armenia ԵՐԵՎԱՆ ԵՐԵՎԱՆ ԽԱՍԿՈՎԻ Փ. 42/3 շ., 14 բն.

powered by Envelope, envelope.haypost.am

